



Broj: 01/1-50-1-85-57/05

Sarajevo: 21.12.2005.

Z A P I S N I K

sa 57. sjednice Ustavno - pravne komisije

Sjednica je održana 21.12.2005. godine sa početkom u 12,30 sati.

Sjednici su prisustvovali članovi Komisije:

- | | |
|----------------------|------------------|
| 1. Mirsad Ćeman, | 5. Filip Andrić. |
| 2. Nijaz Duraković, | |
| 3. Petar Kunić, | |
| 4. Tihomir Gligorić, | |

Članovi Komisije Momčilo Novaković, Beriz Belkić i Martin Raguž nisu prisustvovali sjednici iz opravdanih razloga, a Seadi Palavrić je pretao mandat zbog imenovanja za sudiju Ustavnog suda BiH.

Sjednici je prisustvovao sekretar Komisije Milan Zjajić.

Predsjedavajući Ćeman je predložio, a Komisija prihvatila, sljedeći:

DNEVNI RED :

1. Verifikacija Zapisnika sa 56. sjednice, održane 18.11.2005. godine;
2. Prijedlog zakona o dopuni Zakona o putnim ispravama, predlađač Dušanka Majkić;
3. Prijedlog zakona o izmjenama i dopunama Zakona o obavještajno-bezbjednosnoj agenciji Bosne i Hercegovine, predlađač Vijeća ministara BiH;
4. Dopunski izvještaj o Prijedlogu zakona o zaštiti ličnih podataka u Bosni i Hercegovini.
5. Ostala pitanja.

Ad. 1. Verifikacija Zapisnika sa 56. sjednice, održane 18.11.2005. godine

Komisija je jednoglasno, bez primjedbi verifikovala zapisnik sa 56. sjednice održane, 18.11.2005. godine.

Ad. 2. Prijedlog zakona o dopuni Zakona o putnim ispravama, predlađač Dušanka Majkić;

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o dopuni Zakona o putnim ispravama u Bosni i Hercegovini,
2. Ustavni osnov je sadržan u članu I tačka 7 e); članu II tačka 2., tačka 3. m); te članu IV tačka 4. a), Ustava Bosne i Hercegovine, kako je naveo predlađač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o izmjenama i dopunama Zakona o obavještajno-bezbjednosnoj agenciji Bosne i Hercegovine, predlađač Vijeća ministara BiH;

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o obavještajno-bezbjednosnoj agenciji Bosne i Hercegovine,
2. Ustavni osnov je sadržan u članu III/1 g) i članu IV/4. a) Ustava Bosne i Hercegovine, kako je naveo predlađač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Dopunski izvještaj o Prijedlogu zakona o zaštiti ličnih podataka u Bosni i Hercegovini;

Ustavno-pravna komisija Predstavničkog doma Parlamentarne skupštine Bosne i Hercegovine je na 55. sjednici, održanoj 31.10.2005. godine kao nadležna komisija razmatrala Prijedlog zakona o zaštiti ličnih podataka i tom prilikom, između ostalog prihvatila tekst predloženog zakona sa tri amandmana.

Usvojeni Amandman II. (kompromisno rješenje nastalo modifikacijom na samoj sjednici), je nomotehnički nekorektan i kao takvog ga je nemoguće ugraditi u izvorni tekst zakona. Zbog toga je Komisija na 57. sjednici, održanoj 21.12.2005. godine ponovo razmatrala dio svog izvještaja od 31.10.2005. godine koji se odnosi na usvojene amandmane i utvrdila da se namjera ukidanja zamjenika direktora mora drugačije formulisati.

Ispravno formulisani amandmani glase:

AMANDMAN I

U članu 42. stav 2. se briše.

AMANDMAN II

Član 43. se briše.

AMANDMAN III

Član 44. mijenja se i glasi:

"Član 44.

(Imenovanje direktora)

(1) Direktora imenuje Vijeće ministara u skladu sa Zakonom o ministarskim i drugim vladinim imenovanjima u Bosni i Hercegovini.

(2) Direktor se imenuje na period od četiri godine uz mogućnost ponovnog imenovanja."

AMANDMAN IV

U naslovu člana 45. brišu se riječi: "i zamjenika direktora"

U članu 45. stav (2) se briše.

AMANDMAN V

Član 46. mijenja se i glasi:

"Član 46.

(Uslovi za razrješenje)

Vijeće ministara može da razriješi direktora prije isteka mandata:

- a) na njegov zahtjev;
- b) ukoliko trajno nije u mogućnosti da obavlja svoje dužnosti;
- c) ukoliko se utvrdi nezakonit rad Agencije;
- d) ukoliko mu je konačnom odlukom utvrđena disciplinska odgovornost;
- e) ukoliko mu je izrečena pravosnažna kazna zatvora za krivično djelo."

AMANDMAN VI

U članu 47. u stavu (2) tačka c) riječi: "zamjeniku direktora i" se brišu.

Stav (4) člana 47. se briše.

AMANDMAN VII

U članu 56. stav 2. broj "2005." se mijenja brojem "2006."

Ovim Dopunskim izvještajem zamjenjuje se samo dio izvještaja od 31.10.2005. godine koji se odnosi na prihvaćene amandmane.

Ad. 5. Ostala pitanja

Kako nije bilo prijedloga za ovu tačku dnevnog reda predsjedavajući je u 13,00 sati zaključio sjednicu.

***Napomena:** Odlukom Kolegija sekretara Parlamentarne skupštine sjednice komisija se ne snimaju.*

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Čeman